



Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax; 981 776 529

web: www.betanzos.net
sede electrónica: <https://sede.betanzos.gal>
e-mail: correo@betanzos.net

ASUNTO: DECRETO DE APROBACIÓN DAS MEDIDAS PARA ADOPTAR NAS DEPENDENCIAS MUNICIPAIS CON MOTIVO DO COVID-19 16 De MARZO DE 2020 (QUENDAS DE PERSOAL)

EXPEDIENTE: 2020/X999/000243

ANTECEDENTES

PRIMEIRO. A situación xerada pola evolución do coronavirus Covid-19 supuxo a adopción de medidas de contención extraordinarias polas autoridades de saúde pública que inclúen, entre outras, o peche de centros educativos e de atención a persoas maiores. Adicionalmente requírese a adopción doutras medidas que aúnen a protección da saúde das empregadas e empregados públicos coa adecuada prestación dos servizos públicos.

SEGUNDO. A providencia de inicio do expediente 2020/X999/000243, de medidas no Concello de Betanzos con motivo do Covid-19, de María Barral Varela, do 12 de marzo de 2020.

TERCEIRO. O Goberno de España declarou o día 14 de marzo de 2020 o Estado de Alarma en todo o país durante quince días, que podería prorrogarse se fose preciso e cóntase coa autorización do Congreso de Deputados.

A medida adoptouse para a xestión da situación de crise sanitaria ocasionada polo COVID-19.

O Estado de Alarma comporta unha severa limitación dos desprazamentos e o peche dos establecementos comerciais. Así mesmo as Administracións Públicas están obrigadas a facilitar medidas que favorezan o traballo dende as súas casas aos empregados públicos na medida do posible, e sempre que sexa viable a prestación dos servizos públicos por medios non presenciais.

CUARTO. A Fegamp ditou o 15.03.2020 unhas instrucións para todos os concellos de Galicia.

QUINTO. O ministro do interior ditou a Orde comunicada pola que se establecen criterios de actuación para as forzas e corpos de seguridade en relación co real decreto polo que se declara a situación de estado de alarma co fin de afrontar a situación de emerxencia sanitaria provocada polo coronavirus covid-19

LEXISLACIÓN APLICABLE

A lexislación máis destacada do asunto é a seguinte:

- A Lei 7/1985, do 2 de abril, reguladora das bases de réxime local.
- A Lei 39/2015, de 1 de outubro, do procedemento administrativo común das administracións públicas
- A Lei 5/1997, de 22 de xullo, de Administración local de Galicia.
- A Lei 9/2017, de 8 de novembro, de Contratos do Sector Público, pola que se transpoñen ao ordenamento xurídico español as Directivas do Parlamento Europeo e do Consello 2014/23/UE e 2014/24/UE, de 26 de febreiro de 2014.
- O Decreto 463/2020, de 14 de marzo, polo que se declara o estado de alarma para a xestión da crise sanitaria ocasionada polo COVID-19 publicado no BOE de 14 de marzo de 2020**
- A Orde comunicada pola que se establecen criterios de actuación para as forzas e corpos de seguridade en relación co real decreto polo que se declara a situación de estado de alarma co fin de afrontar a situación de emerxencia sanitaria provocada polo coronavirus covid-19

Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).





Concello de Betanzos
Praza de Galicia, nº 1, 15300 Betanzos, A Coruña

Teléfono: 981 770 011
Fax: 981 776 529

web: www.betanzos.net
sede electrónica: <https://sede.betanzos.gal>
e-mail: correo@betanzos.net

CONSIDERACIÓNS

PRIMEIRA. Respectando o establecido no Decreto 463/2020, de 14 de marzo, polo que se declara o estado de alarma para a xestión da crise sanitaria ocasionada polo COVID-19, resulta de aplicación o artigo 21.1 m) da Lei 7/1985, de 2 de abril, reguladora das Bases do Réxime local que dispón como atribución da Alcaldía:

m) Adoptar persoalmente, e baixo a súa responsabilidade, en caso de catástrofe ou de infortunios públicos ou grave risco dos mesmos, as medidas necesarias e adecuadas dando conta inmediata ao Pleno.

É de aplicación, á vez, o artigo 41.8 do Regulamento de Organización, Funcionamento e Réxime Xurídico das Entidades Locais, aprobado por Real Decreto 2568/1986, de 28 de novembro, que establece como atribución da Alcaldía:

8. Dirixir a Policía urbana, rural, sanitaria, de subsistencia, de seguridade e circulación e de costumes, publicando ao efecto Bandos, Ordes ou circulares de instrucións.

SEGUNDA. De acordo coa proposta da FEGAMP e de acordo co establecido no decreto polo que se declara o estado de alarma, o Concello de Betanzos adoptará medidas dende o 16 de marzo e ata o día 29 de marzo de 2020.

O Concello de Betanzos xa suspendeu temporalmente todas as actividades culturais, deportivas e sociais e o resto de actos e espectáculos públicos e festexos populares en recintos abertos e pechados que congreguen a persoas e ademais péchanse os parques, as prazas e o resto de espazos abertos de uso público do municipio.

Visto todo o que antecede, considérase que o expediente seguiu a tramitación establecida na lexislación aplicable e de conformidade co artigo 21 da Lei 7/1985, do 2 de abril, reguladora das bases do réxime local,
RESOLVO:

PRIMEIRO. Os servizos administrativos municipais funcionarán telemáticamente e en equivalencia a servizos mínimos a porta pechada de 9 a 14 horas, e serán atendidos por unha persoa cada un dos seguintes Servizos. A reunión da **Comisión Municipal de seguimento da evolución do COVID-19 de data 16.03.2020 estableceu a quenda no documento que se xunta a esta resolución.**

- Conserxería Municipal,
- Estatística, Padrón Municipal de Habitantes e rexistro de Entrada Municipal e Portelo Único
- Rexistro de facturas telemático (Intervención) e pago a provedores (Tesourería)
- Urbanismo:
- O técnico informático
- Persoal
- Servizos sociais. Acordouse dúas persoas para atención telefónica e tramitación administrativa.
- **Alcaldía**

A atención domiciliaria a persoas dependentes (empresa), prestarase ao 100% salvo renuncia expresa dos usuarios. No resto de axuda a domicilio (asistencial) estudaránse as prioridades baixo estricto criterio técnico e de equidade.

Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).





Concello de Betanzos

Praza de Galicia, nº 1, 15300 Betanzos, A Coruña

Teléfono: 981 770 011

Fax; 981 776 529

web: www.betanzos.net

sede electrónica: <https://sede.betanzos.gal>

e-mail: correo@betanzos.net

No caso de que algunha destas persoas estea cumprindo o deber inescusable o concello fará o chamamento a outro traballador/a dispoñible para que o substitúa.

- O Departamento de Obras, electricidade, cemiterios e Vías públicas seguirá as ordes e instrucións que lle dea especificamente o concelleiro delegado. En todo caso o servizo de limpeza viaria fará o seu traballo habitual.

O Departamento de Informática, intervención e secretaría, así como en xeral todos os departamentos estarán dispoñible en todo momento, presencial ou telemáticamente de acordo co ordenado polo concelleiro delegado en cada caso concreto.

Os/as empregados/as municipais que acudan presencialmente a prestar estes servizos deberán realizalo segundo as necesidades do servizo polo que se organizarán quendas polos/as correspondentes Xefes/as de Servizo ou coordinadores de área.

QUINTO. Dada a situación de crise sanitaria e tendo en conta o disposto polo Goberno de España, co gallo de non prexudicar aos provedores e nos contratos de menor contía, a conformación das facturas poderase facer excepcionalmente só mediante a conformación da alcaldía ou concelleiro delegado.

SEXTO. O persoal municipal que non preste servizos dun modo presencial deberá estar dispoñible coa finalidade de prestar servizo telemáticamente, sempre que fose posible ou reemplazar aos compañeiros cando fosen requiridos.

Queda prohibida a fichaxe mediante sinal de pegada táctil instalado en cada un dos edificios municipais para os que realicen traballo presencial.

OITAVO. Notificar a presente resolución a todos os concelleiros da Corporación, a todos os empregados públicos, ao Corpo da Policía Local, aos veciños a través das redes sociais oficiais do Concello de Betanzos de Twitter e Facebook, a través dos taboleiros de anuncios de todos os centros cidadáns e darlle traslado da presente resolución aos distintos servizos administrativos da Corporación e darlle conta ao Pleno da Corporación na primeira sesión que se celebre en cumprimento do disposto no art. 42 do Real decreto 2568/86, de 28 de novembro, polo que se aproba o Regulamento de organización, funcionamento e réxime xurídico das entidades locais.

Betanzos, na data que figura na marxe

A alcaldesa
128/18, do 16 marzo)

María Barral Varela

O secretario (Asinado para os efectos do art. 3.2 do Real decreto

Adrián J. Márquez Caramés

Documento asinado electrónicamente, pódese validar a sinatura co código indicado na marxe na <https://sede.betanzos.gal> (O Código de Verificación garante, mediante o cotexo na sede electrónica municipal, a integridade do documento (Artigo 42 b da Lei 40/2015, de 1 de outubro, de Réxime Xurídico do Sector Público).

